



05913

樓邨詩集卷十一

寶應 王式丹 方若

畢蘇集 辛巳

元日展書獨坐喬無功邀過繼權園看雪遂訂

梅花之約



書

窗榜上朝曦鵲語報新節嘻嘻兒女子衣衫炫鮮潔廣  
術交屣履名刺走蹶躡閉門非玩世實不耐疲芥隔歲  
留嚴寒檐雪照寥泐對之手一編胷腑頗澄澈倘悅睨  
高空曠邈厭羈縲穎君忽見招清景待搜抉籃輿遠衝  
泥過溪凡幾折當階一展眺豁爾人境別峰勢半隱現  
雪貌一凜冽礪道逼光影屐齒觸凹凸水亭明四圍俯  
檻冰尚結高樹風稍稍玲玎拂帶嶮踟躕返虛堂圍爐  
樽酒熱把杯挹晶瑩暮寒轉清絕凍池如錦平紅橋卧  
雌霓乘興登畫船艤岸不可柅浴山萬梅花細蕊已徧  
綴滌滌搖冷光斜陽乍明滅嶺昏白雲深迴望共怡悅  
相期權春波更看花如雪

樓邨詩集卷十一

畢蘇集

一

次韻周宜一煥閣四首

閒閒容膝地煥老恰應宜一簇留溫火三竿愛早曦書  
題都墨審投報有瓊枝不用頻呵凍伸箋寫好詩  
蕭騷頭已白奔走舌猶存有夢酣支枕無心賦過軒蟲  
依冬煥出鵲報晚晴喧深喜門常閉窺窗月一痕  
散騎寧庸巧零陵只愛愚收身原偃仰插脚亦跣趺漏

日看塵影浮香悟幻軀忘言已齊論多事是潛夫  
京華同騁轡過眼七年前我亦尋蝸舍君應擲馬鞭寒  
輕融雪日春淺放梅天酒伴還相訪投林憶古賢

疊前韻末首兼以志別

斟酌吟身煖此中較最宜有時成晝睡盡日得冬曦白  
榻瓊垂角青瓷蠟綴枝門前誰剝啄多是索題詩  
幽薊雙羈破空峒一劍存低徊披故篋睥睨歷華軒室  
有隙駒過牀無鬪蟻喧閒心託毫楮銷得硯凹痕  
已自耽多默何妨類鈍愚冥思縈一髮癡坐息雙趺俛  
暖蘇蠅翼凌寒養鶴軀看君用幽意別署白雲夫

相逢旋欲別暫共晚峰前清醕梅花舫斑驢楊柳鞭春

樓郵詩集卷十一 望蘇集

二

歸安樂地暖趁艷陽天自喜三蕉葉開缸辨聖賢

燭下盆梅四絕句

不去倚風笑共此清夜心燭花銷幾寸照見春深深  
鐵幹偃一尺瓊英綴數點定知作賦人尚恨春情淺  
仙裳曳輕綃肌膚映紅玉我未餐流霞却立不敢觸  
展開小絹素踟躕愁趙昌標格原難似癡兒只覓香

二月六日無功介夫邀同查悔餘看梅花小酌

用東坡牡丹三首韻

餘寒未全破林香悄如無特為孤山人一一吐玳珠微  
紅兼澹白遮映蒼山膚園空花徑深一筇聊共扶  
冠嶺簇萬樹拂檻斜幾枝東風欲盡態芳意不自持橫

塘春波影澹澹頽陽時豈同桃與李天冶鬪春姿  
好鳥枝間鳴朝眠聽喚起花事及良辰莫待綴青子幽  
尋有吟侶不飲真成鄙倘爲十日留商量未開蕊

朱恭亭招飲梅花下時值積雨

山亭煙際雨絲絲檻外梅花剩幾枝可惜淹留成竟日  
不曾細數落花時

偏是風標太清絕顛風狼藉雨頻摧東皇若解相憐惜  
應許逢春自在開

二月十八日梅花十四絕句效誠齋體

朝來狂喜報新晴便蹋花林放脚輕定定春風三百樹  
一時相向笑顏生

樓部詩集卷二

翠蘇集

三

水北已開十分足水南纔見七分開水南水北花間路  
一日須來一百回

春沼不波風澹澹春雲不動日遲遲不知作底顛狂態  
銷得梅花爛熳時

漫山帶水栽花地乍雨半晴養花天妒殺穿林一雙鳥  
朝朝暮暮裏春煙

千朶萬朶盡情白三株五株著意紅一種丰姿覺全別  
非紅非白領春工

目成楚客底心情膩理娛光只暗驚不惜傾城都與看  
幾人著眼得分明

簇簇丁香結蕊細叢叢豆蔻含苞新即可買來充作婢

塗朱抹粉學夫人

雨中洗出真絕世風裏颺來倍惱人幽徑不須緣客埽  
一春黏在落花茵

聞說嶺南開最早也曾鄧尉趁春晴故應一樣風光好  
只欠流鶯四五聲

已被花香催詩句却慚詩句無花香天上人間何處覓  
錯疑迷迭與都梁

山間坐石不肯去亭畔凭欄亦可憐我已三年止酒客  
爲渠驅使到尊前

才過橋南復橋北旋來山後憶山前盡日筇枝忙未了  
憑教喚作梅花顛

迷離昨夜花間夢結習何當問夙因拈得色香小三味  
不妨常現散花身

不願化身千萬億但願留身一百年待得根株大于柱  
便從花底作顛仙

放翁詩何方化身千  
億一樹梅花一放翁

### 野花

散步循青林浮煙紛漠漠梅花枝已空春風浩無著野  
草盡作叢莖蔓互綿絡氣候所潛滋一一吐苞萼山阿  
水之隈相間如綺錯小白自婀娜輕紅亦的爍種類難  
指名爾雅苦不博凌晨拂雨絲傍晚下日脚雖自細碎  
物生意無厚薄得逢採春人幽仄遍探索臨風弄其英  
暄妍破寂寞萬物各有時隱現視所託嗟彼空谷香無

人自開落

雨中無功招同汪民長喬鶴羣過縱櫂園小酌

古香亭子

畫態吟情水樹中到來煙景入迷濛已經柳岸碧千縷  
時見菜畦黃一叢眉黛小山頻拂雨靴紋淺沼乍紫風  
詩人莫便貪春睡看了梅花春未空

放翁詩看了  
梅花睡過春

同人清韻照樽前促坐欄杆小閣偏好是紛紅駭綠地  
恰當語燕鳴鳩天檐風淡沓臨流水酒戶崢嶸羨少年  
更待繞階翻芍藥老夫拚只為花顛

答馮文子二首

知在蘇臺未易尋水重山複悵迷津

戊寅曾尋  
所居不得

携將神

樓郵詩集卷十

畢蘇集

五

女雲何處望見楓林夢有因韓愈上書空羈縻江淹寫  
恨自輪囷誰憐青漢南飛鶴猶逐飢烏啼向人

來書有  
尚謀升

斗之感

京華文酒不曾忘喜接緘題到草堂何日纔回橄欖味  
於今同紉蕙蘭香

文子有橄欖  
蘭花之惠

越中舊宅山千疊淮畔

頻年水一方兩地相思春欲暮東風楊柳隔蒼茫

重治水田諸友人計畝分種用前韻二首

魚區草宅試重尋落盡潮痕問去津甌縱破時猶可顧  
釜曾熱處不妨因憂生酒已一千日厲志禾須三百園  
莫笑修齡索仁祖傾身營飽彼何人

禾經一冊久遺忘寂寞龍竿舊艸堂萬里擲身萍梗亂

五年跂足稻花香疏排大瀆知何術檢校新田尚有方  
好共農人唱秧馬青畦淺水泝泱泱

吉水李公德州田公家睢州公合書相招以粗  
營田舍未克赴名却寄一首

乍傳書札下瑤天國士深知却自憐一篋蟲魚原細碎  
九衢衣馬獨遷延庾家未得臨江宅洛下曾無負郭田  
企脚菰蘆煙景闊祇依台斗望幽燕

次韻劉郡伯清明郊遊八首

綺寮春靄漾輕紗遙喜晨光一縷霞繞郭垂楊時曳珮  
循溪飛旆不排衙雲邊碧檻聞歌地樹裏青帘賣酒家  
好是韶華當令節兩轡躡徧廣陵花

樓部詩集卷十一

畢蘇集

六

冰銜標格擅春明山水文章足勝情畫戟清香寧局東  
紅橋好景恰逢迎稚圭最愛賓朋會和仲時耽歌吹聲  
萬頃琉璃汎空翠紀游何羨漢陂行

欄檻晴空面遠天遨頭名蹟故依然平山景物栖霞寺  
太守風流慶曆年繡徧草廂沾宿雨剪齊松蓋裏新煙  
凭高最覺江南好點點青螺鳥道邊

陂塘不見大雷宮曲曲龍河路未窮廿四橋通春水綠  
十三樓剩野花紅藻扇繡帳元嘉後錦纜牙檣大業中  
千載繁華一俯仰只今鷓鴣叫東風

桐華時節意悠然游讌乘春仿昔年有暇便應尋勝跡  
此邦原合駐名賢攬將波影明歌扇寒得花香媚舞筵

更待薰風徧方沼紅蕖冉冉葉田田

蓮幕追陪興自豪良辰佳景待濡毫園林一幅畫皺細  
枕剎三峰幢影高蹟面小桃晨艷冶迴腰新柳晚蕭颯  
暮春禊事多酬唱盡是英瓊報錯刀

何遜春情杜牧秋蕪城詞賦迴添愁樓閣佳麗非無地  
閣倚雲山最上頭是處綠樽銷暇日誰家紅袖倚扁舟  
獨憐襟被江淮客遙駐蘭橈不自由

用柳州語

清淮南下海西偏十載鄉關倍惘然荒徑久虛東郭履  
征途已秃繞朝鞭茶煙禪榻孤情在花霧春城昔夢牽  
讀罷新詩意飛動隄風景又今年

王石谷蘿薜圖爲友人題

樓村詩集卷上

畢蘇集

七

我有幽栖心頻年靡定跡夢中見秋山疎蘿月光白層  
巖不可名飛泉一千尺披圖恍若夢清境詎遙隔愛煞  
耕煙人空翠細積穰安得向此間團茅矢弗告

叶山水

藍田叔枯木竹石圖

自有崑谷姿曾無丹青氣千載捐子瞻此中慚真意始  
知董巨外別自得津逮或曰太枯淡掩卷但一喟

和顧書宣竹裏聽禽即送查德尹南歸

剪取一段輞川圖修篁簇雲枝交扶朝來小雨聲疎疎  
洗出萬竿蒼玉膚有客南歸方戒塗苔裊敷坐紅氍毹  
此時春入千花耐枝間嘒嘒禽相呼乍前乍後于喁俱



坐來聞此爲踟躕同聲求友不可孤當年伶藉高陽徒  
入林把臂傾千觚先生身直承明廬却來野圃尋清娛  
鳴鳩乳燕青春徂手擘雙柑催提壺晨風且復立斯須  
與君竹上留細書蒲帆挂定煙糝糊江南風景今何如  
更向春山聽鷓鴣

瓶中芍藥

紅藥屏前宛一羣颺暉發藻共氤氳寶酒乍展千絲錦  
韋陟橫飛五朶雲未許色爲罌粟占聊將香與蜜護分  
二種皆瓶中所有十年詞賦揚州夢酒殘茶鏞悵夕暉

客廣陵逢宮友鹿即送之京次留別韻四首

判年淮海各天隅旅舍相逢笑捋鬚與爾行踪同汗漫

樓部詩集卷十一

畢蘇集

八

憐余心事亦狂愚未除結習翻爲累要合時宜莫更迂  
此去上林新著作漢家楊意豈應無

文籍膏腴氣自華却看霜鬢為愁加已經光範書三上  
休記南華賦八义遠客風塵依故劍殘春情話試新茶  
寸心不盡瞻前路一髮青山落日斜

感時濺淚幾篇詩驚殺薰衣傅粉兒操瑟齊門誰解好  
橫牀周易不妨癡簫雲空闊思千里繞樹淒迷揀一枝  
處處繁花開徧了年華消息客中移

風林畏佳似悲吟倚棹河橋細雨侵燕路關山迷蔓艸  
隋堤楊柳變鳴禽陳登湖海高談地杜甫京華旅食心  
陌上踏歌人欲別桃花潭水沒篙深

初夏過宮友鹿寓齋得觀閨秀韓靜菴詩句友  
鹿暨家勿齋各有贈言次韻二首

當堦已過藥欄紅客舍青青草樹豐乍捧清詞柔翰出  
渾教濃靄細煙籠行循芳榭吟千轉坐展霞箋寫一通  
料得瑣窗人愛翫高柔真不羨三公

字態詩情自有師烘簾香縷倦彈碁蘸來鏡閣青螺筆  
製就絲欄白紵詞錦段張衡愁裏見謂友梅花何遜句  
中知謂勿齋和歌不少天涯客漫想樓頭落紙遲

次韻宮如岡悼亡詩

綠繡笳囊事渺茫河陽新句只清狂李義山河陽詩  
蓋悼亡之作白

頭不到錢刀怨黃土空憐粉黛香忍見竟牀施故簞祇

樓部詩集卷十一 翠蘇集

九

收遺挂鎖空箱廿年曾記營齋日一樣傷心字幾行廿年

前余有  
悼亡詩

珠蘭

一種芳蘭入坐隅嵇含草木自爲圖牽將碧藻魚分子  
貫得青絲蚌吐珠紉佩秋風雖較別染衣香國却全輸  
不須楚客嗟零落纔離蠻鄉品目殊

疊前韻

移自南方天一隅須邀十客共成圖配將靺鞨原金粟  
壓盡珊瑚是綠珠雞舌含來香並烈蜂衣褪後色全輸  
便堪占斷揚州郭何必蕃釐種獨殊

再疊前韻

紛葩異種媚庭隅畫譜宣和無此圖一夕狂魂飄篤禡  
前生圓業落玳珠似將啼眼憑燈見肯把香心與蝶輸  
但向東風能破恨石家十斛豈差殊

松陰讀書圖

坐擁松根綠逕幽藤花風落半巖秋十行過後無言說  
惟見清泉石上流

宋子京修唐書圖

錦罽光中墮燭煤唐書幾卷是新裁回頭笑向添香女  
昨夜煩卿半臂來

題友人小照

抱膝遙看煙影空清狂原是杜陵風百花潭上滄浪意

樓明詩集卷十一 翠蘇集

十

只在紅蕖翠篠中

華子岡旁竹里前故應獨坐有新篇彈琴長嘯風流在  
不枉丹青畫朝川

題徐昭法先生澗上艸堂畫兼貽西照頭陀

頭陀姓戴名易字南枝越之遺民也寄跡於

僧賣字葬昭法先生于珍珠塢著虎丘表忠

補一篇載文靖公及澗上遺跡甚悉又有釣

臺詩五百首

鼎湖晝曠龍無所席藁孤臣淚如雨

席藁文靖公遺言也

香艸蒼

前魂夜飛臣報其君子肖父一樹冬青半欲枯枝上靈  
禽自儔伍鐵函荒井抱遺編時有風流照毫楮儵然落

墨仿倪迂寂寂空巖帶平楚當年思肖畫蘭花只畫根  
莖不畫土澗上襟情亦似之自寫草堂心毒苦我今讀  
畫緬遺風江南鬼哭珍珠塢埋骨憑將賣字人更與流  
傳表忠補好把嚴陵五百篇留伴此圖共千古

雨後汪民長暨令弟沂谿姪雨平邀同宮友鹿

喬鶴羣載酒看園林新綠限蒸字

時友鹿將之京

昨朝霽色天澄澄今復弄陰雲如蒸主人好客不畏雨  
招邀清興方飛騰美酒雙經載烏榜琉璃千頃遙乘陵  
諸家園林煙一抹凌虛亭子欄杆凭此時花落亦已久  
綠天如幕陰層層正逢五月梅雨後淨洗柯葉清光凝  
坐中有客向京洛得不對此傾千升眼前好景莫輕別

樓邪詩集卷二

畢蘇集

二

塵沙北路愁難勝謝家封胡盡英特飛觥酬勸何頻仍  
高談幽賞信可樂東方跂脈聊相矜天西殘日乍隱現  
平林暮靄驚鬢髻柳風淡淡促歸棹牽縈水苕波徐興  
人生合散復何定佳辰且可歡良朋紀遊例應有新句  
詞華哲匠非吾能

六月九日蔚林邀同彥林書文賓谷玉岑雨後  
泛舟紅橋長歌

三日猛雨雨忽歇迴風吹天雲不結主人狂喜召客來  
雙橈盪入煙波窟夾岸平林翠幕張濯濯清光沁肌膚  
新漲平添一尺強刺水秧針半浮沒指點濃陰細靄中  
花滿蓮塘炫鮮潔絳裳翠珮一羣羣綽約凌波香鬱勃

苕絲初肥菱葉齊左右參差映澄澈此時不飲當奈何  
酒龍故態還能發把盞遙聽橫吹聲雲影欲停石欲裂  
何人低唱好歌詞百轉千迴祇幽咽倏然爆響如洑雷  
驚起蜃蛟雲海掣東來雨氣乍有無萬丈彩虹抱城闕  
回頭不辨平山堂一剪松杉覆峭嶮巖林咫尺但蒼茫  
醉眼橫空狂叫絕文章太守不可招如此湖山對濠汴  
竹西水調是何年千朵荷香待誰折扣舷忽憶漢陂行  
杜陵舊句歌聲徹陰晴變幻亦俄頃人生哀樂總飄忽  
諸君逸興似嘉州樽前好景且攬擷歸舟還見天邊青  
柳梢已挂半規月

題宋孝思齋中二首

樓都詩集卷上

畢蘇集

十一

轉過廊腰蘚徑斜週遭草樹似山家紅香一片霏微雨  
便抵春風韋曲花

主人愛客並耽書幽賞高談曉閣虛坐倚碧欄秋正好  
荷花開後海棠初

朱旸淘謁選得諸暨令寫雲山爛熳圖小照屬

題

我有愛山癖所至快所見所見非所有足跡若郵傳君  
意與我同驅馳亦已倦鹿鹿三十年獲領山水縣如飢  
日說食珍味今始薦君才利錕鋸亂絲只一剗公事旣  
以了屐齒恣游衍五泄天下奇江光引匹練鱉鱉烏宜  
山朝昏嵐氣變全家在樓臺元相昔誇銜此地亦蓬萊

清詩題應徧平生一涉心于焉伸繾綣勳名君自有山  
水我所羨但恐住三年報政難久戀更繪越山圖他時  
仍覲面

送畛陶之任諸暨

踔躡詞場久後先頻年塵鞅歷雙肩小山招我身將隱  
飛鳥逢君吏是仙當戶嵐光拖晚翠遠城江色引秋煙  
平生爛縵雲山興遙寄羊何定幾篇

衣冠文季本無倫指點青雲好致身前路從今作階級  
此鄉慎勿厭清貧須知利劍纔歸掌豈有亂絲能縛人  
諸暨號  
爲難治近日升賢多不次看君名姓達中宸

七夕

樓部詩集卷十一

蘇集

十三

驚秋梧葉已潛聽雲盡遙天暮影青月欲平弦星澹澹  
河初絡角露泠泠虛檐自挂千絲網珍簟虛依六曲屏  
乞巧文章成一笑滿身花影夢初醒

秋日重晤鮑又昭  
振北圖南仍次宮友鹿前  
韻四首

重來下馬到庭隅別久驚呼王白鬚舉世弄九原讓巧  
頻年抱甕已安愚幾番冷澹朝華改不盡盤陀世路迂  
相慰微雲疎雨夜襄陽新句未應無

閒庭水木愛清華瀟灑襟情一倍加書簾香霏金屈戌  
畫屏雲展玉丫又踏筵作頌劉伶酒酌水繙經陸羽茶  
正及空天下涼吹一枝青桂拂檐斜

參軍爲我誦新詩二謝都能勝客兒

鮑又昭終振北圖南各有和章慧

業定翻無量劫秋心合作有情癡已教明月隔千里暫  
向高林栖一枝白露朝零煙草暮眼看杓角又西移

怕聽幽蛩墻角吟涼宵襟被旅愁侵未如抱膝南陽葛  
漫學尋山北海禽兩地彫楓寒月夢三秋流水素琴心  
披襟爛漫青燈影細雨簷花酒淺深

次韻圖南漫興三絕句

柳栗橫肩似野僧舊遊淮浦記吾曾半塘秋水青於黛  
又聽輕橈唱采菱

東去龍竿野霧封歌成秧馬答山農猶思屋角牛鳴地  
日日啼烏報下春

樓部詩集卷十

墨蘇集

十四

黍機刀尺響秋風絮語真應咽露蛩却怪白絲顏色汗  
枉拋金粟細裁縫

疊前韻三首

吾家年少記三僧虎子雄心我亦曾老去故應稍解事  
磨成艾實是秋淩

黎橘空思千戶封秋田負郭媿村農年來不得花谿宅  
欲覓吳門廡下春

何人肄雅與歌風細響嘈嘈砌下蛩怪底東籬飲酒客  
遙思魯叟爲彌縫

西爽軒秋日偶成

秋清簾閣尚葱蘢滿眼爛斑點綴工幽徑綠霏天燭雨

小山紅颭海棠風，葉心絡網多藏蠹。枝杪懸窠，盡仰蜂  
付與維摩一禪榻，坐來觀物對高空。

舟行野望

緩引蒲帆細細風，吹開初日淨秋空。野煙纔落碧蘆外，  
宿草自搖清露中。浦里殘鐘依蚤莫，湖心有洪湖新堰  
甫里寺

隔西東。洪澤湖新修高堰水不東流故鄉菱蟹今成市，可惜流光付

轉蓬。

高沙夜泊

逆上長川一棹停，高沙城外聽殘更。雲迷雁陣寒相語，  
風捲葭叢夜有聲。身世空囊無住著，郊關羣盜尚縱橫。  
已知任運爲長策，火照湖頭莫漫驚。是夕有盜警

樓市詩集卷二

吳蘇集

十五

舟次疊前韻

煙景長途百感生，一年寒燠已頻更。當風漸有裝綿意，  
傍岸初聞打稻聲。野馬排齊殘日下，亂鴉飛盡片霞橫。  
落帆路指鄉園近，蕭颯深秋只暗驚。

答金道周代簡

時爲同州守

九月江淮徧秋水，白日西臨雲氣紫。篋中檢得故人書，  
迢遞離情二尺紙。君才本是萬人豪，馬跡天涯倦鞭箠。  
火色鳶肩動九重，屢蹶還因特詔起。邠州近接古同州，  
道周先官於邠重見漢家左內史。當年都養帶經人，馮翊巖  
疆致上理平生。廉智久自將袖裏清風報。

天子棘圍破例主，文章採得秦風自。豪喜暇來能憶舊。



論文貽我英瓊清且美

道周以明經分校鄉闈見貽佳卷詩篇又有蒺藜鬱金之惠

蒺藜致自沙苑中鬱金香顛絲纍纍隔年始得作報章  
慚愧曾無一端綺自從京洛唱驪歌涼風天末菰蘆底  
君今正作本分官我仍彈鋏困泥滓愛君真喜君先達  
身到煙霄只如咫向西一笑短長吟吹夢東風數千里  
晚秋泛舟村中有感

寒光生曉吹小艇出斜川荇葉魚鰕國蘆花雁鷺天秋  
畔無蔓草野宿有炊煙信是田家樂浮生只惘然  
浪跡常千里收身得一秋勞人殊草草秋水但悠悠蠻  
觸原多事夔蚘亦自由却迴飛動意澹漾任扁舟

磨劍心猶壯求田計已疎世塗應曠蕩吾道自艱虞歲

樓市詩集卷十一

畢蘇集

十六

月江湖老冰霜草木枯扣舷聊一唱煙影正模糊

寄居

寄居猶及傍寒香檐宇秋深木葉黃本自年時悲散騎  
也應風月瘦東陽一聲過雁知何託三匝昏烏有底忙  
閒檢習家耆舊傳蔡洲曾記石爲牆

自笑

移居圖畫羨神仙自笑支離已判年狂客豈堪頻問舍  
孤蹤誰信欲牽船未妨東野無多具若向南山不問天  
一院清光數竿竹吾家風味本悠然

索居

荆關寂歷一庭虛飯罷徐行亦自如吹落桐瓢風色裏

洗開梅萼雨聲初雅孫覓果晨牽袂小婢擎燈暮檢書  
好是索居營慮絕未妨爾雅注蟲魚

閒吟

年華晚晚得三餘閒裏工夫要破除挂網花枝留玉蕊  
貯罌水藻護金魚林泉經濟應須就冠蓋交遊已漸疎  
猶恨向來餘習氣感時詩句不曾無

喬起東生日送海魚二種

子厚今年有令名

柳子厚三十三歲名大著起東今亦值此年也

等身籤帙正

縱橫閒酬歲月憑舒卷淨埽堦除省送迎舍北寒風方  
響籜墻東舊雨好飛觥海鷗未足稱兼味聊佐先生玉  
糝羹

起東携樽就酌疊前韻奉酬

物外相將且避名墨林書案一窗橫時披霜影凌晨至  
小破苔痕出戶迎特為老饕新斫膾頓除酒戒數浮觥  
短檠永夕耽清話世路風波任沸羹

重過喬白菴表叔柘溪草堂次壁間自題二首

韻

斜穿谿路訪幽蹤落日林塘暮靄封勝地別來二十載  
小山添得兩三峰正尋北埭新開徑尚記南榮舊種松  
愛煞苔花閒院落萬株楊柳護高墻  
新亭水木浩無邊霜葉水條劇可憐壁上自題詩句好  
客來忽放酒懷顛虛欄夜影三星轉短檠寒光一穗圓

回首當年成底事比鄰風雨舊青氈

余辛酉年讀書村中所居相近

題白菴濯足圖

平楚垂濃陰亂石絡飛瀑其中窅以幽誰唱滄浪曲嗟  
余瞻四方行滕蓉馳逐不逢清冷淵何以濯我足羨殺  
圖中人弄此一泓玉道旁十丈塵咫尺不得觸白雲在  
高天清颼滿空谷科頭褰荷裳插脚波浪痕便當整芒  
屨五岳躡遐躅何用多煩憂泥濁歌獨漉

曉行

犯曉行輿冷敝裘細穿村路繞汀洲雪留殘色猶封草  
冰結斜紋未礙流漁子艤舟日晶晶雁媒叫野風颼颼  
道旁羨殺茆檐叟正擁烘爐豁睡眸

喬疑菴哀詞

樓部詩集卷二

畢蘇某

十八

飛颺夜捲青桐樹白鳳羣栖曉無處遺民去盡淚痕枯

謂鶴林拙存諸先生

獨挂荷衣歲將暮三間老屋號留雲寂歷松

根飽霜露披惟人在亂書間磊落不爲爾雅註青玉案  
邊羅古光手撥爐紅蕪香炷面前日月去堂堂蒼狗白

衣變已屢劃然高嘯上秋空冷風吹裂星辰路人間腐

鼠嚇紛紛十斛純灰難洗汙先生本是飲冰人凜雪肝

腸寫其素南山飛鳥晉囿明白日荒臺宋臯羽我亦疎

狂不自膠每蹋花關成小駐披襟洛誦所爲詩一首詩

移日幾度一字兩字與細論相視而笑心無忤疎簾晝

影茶正香細雨簷花酒頻注記得先生七十時我有贈

言七絕句翼逢大耋及期顛舉觴更爲先生賦如何不  
及十年期星暗少微墮雲霧無復流霞捧一杯往日瑤  
華眼中故有子真能讀父書林馬蘭臯踵高步時逢叔  
弼憶歐陽猶向虛堂脫雙屨入門幽聽故依然白石蒼  
莓自錯互茫茫箕尾去何歸天上故人待把晤回看風  
引柘溪煙有人腹痛橋公墓

劉後齋鴻臚挽詩五首

二十年前祖道時金臺迢遞數行詩

辛酉冬後齋北上  
余贈別詩有黃金

臺上更高  
寒之句

層霄宮闕人千里舊雨菰蘆酒一卮子政聲

名原獨出文房風調最相知自移星歲分生死

李義山  
哭劉黃

詩離居星歲易  
失望死生分

細數交期老淚垂

樓部詩集卷十一

單數集

九

蚤歲騫騰繼渭陽標題澹墨姓名香紅蘭省裏唐才子

青瑣門前漢夕郎功在江淮傳奏牘風行嶺嶠典文章

從來樂衛稱冰玉棟折榱崩總盡傷

侍讀喬公有海口  
議後齋有大田小

畝疏皆有功桑梓又侍讀  
公與後齋先後典試粵西

記得衝寒騁北轅故人相見笑言溫經年篋衍添詩本

浹日衣衫浣酒痕別路低徊車幔隔

余出都時值後齋  
退朝衢路中塞車

別書緘零亂墨香存擔簦跨馬平生意今日纏哀到瘦

門

別後英瓊遠寄將曩時酬唱不曾忘架書輦下諸名士

謂西溟夏重  
西厓諸公

接席山東兩侍郎

謂王田  
兩公

月過高臺秋對

影花分小市曉飛香六年夜夜楓林夢見說梁園徑已

荒

早是霜颺引素車墓門盼蠻一庭虛班聯北闕留卿寺  
冠劍東城傍佛廬自有猗蘭光奕葉故應大鳥下堦除  
人間箇矩多儂薄愴念遺蹤那得如

寒月梅樹影下六絕句

誰從素壁寫槎柯梅影離離逐月華恰似西湖林處士  
一池清淺浸橫斜

月中花影影中人人共梅花只一身瘦到十分清到骨  
姮娥特爲著精神

廣莫風前獨立時寒宵應自少人知橫堦一片冰霜色  
不是丹青画折枝

牆根此夕分明見枝上來朝仔細看待得春華一萬朵  
幾番風雪耐清寒

冰姿玉骨本仙葩遙接吳剛桂影斜見說月中閒地有  
中央何不種梅花

如此清光不奈何攀條弄影自婆娑一聲長嘯天如水  
招得空中鸞鶴過

爲梅花驅雀二首

寒梅初著蕊朝旭融清霜氣候所苞孕離離遲春陽野  
雀從何來跼噪每一行公然羣啄食散階祀旁爾乃  
籬落物餐茲冰玉香飲啄各有族狼藉非所當拓我柘  
枝彈驅之過東墻山中無竹粒留以待鳳凰

羽人采瓊葩香雪沁艷齧空山沆瀣姿胡為飽凡雀我  
與梅為友結契頗不薄徘徊雙株間庭陰日企脚月中  
撫清影霜中護淺萼倘令果厥腹我懷將焉託去去勿  
復喧耳目快清廓保此春風初不渝歲寒約

寄湯西厓都諫索艸堂資

西厓先  
有書至

雪片白於雨飄落梅花枝素書天上至值茲歲寒期聞  
緘讀再竟纏綿遙相思中宵耿不寐明月照我帷蕭蕭  
視四壁我懷當告誰翩彼鷦鷯鳥栖息依樊籬嗟無臨  
江宅漂泊常支離帝鄉不可見寂寞蘆之漪安得埽一  
室日哦雲卿詩凜凜冬已暮春風來何時所思渺霄漢  
閨闔生清吹丁寧北飛鴈為我好致詞慚非花谿叟遠

樓邨詩集卷十一

吳子蘇集

三

覓草堂資

送黃精與起東二絕句

煨芋何須羨懶殘華陽雞格當朝餐分甘定不嫌些少

抵得王喬奉一九

黃精一  
名雞格

氣味甘平色正黃靈鍾戊己列芝房憑君細檢稽神錄  
莫近人間酒餌香

樓邨詩集卷十一

樓邨詩集卷十二

寶應 王式丹 方若

畢蘇集 壬午

立春前五日瓶中蠟梅將殘舍西春梅欲放余  
將遠行有感而作

一冬氣候如春暄傍春翻見河水堅陰陽錯互時則爾  
閉門坐對爐火然硯北有花黃於蠟冷泠瀉水塵都湔  
平生自具冰雪骨凌寒轉更呈清妍青氎浮香欲匝月  
幽意與我久周旋舍西流光在何許絳跗一樹驚新鮮  
臘尾春頭暗相嬲綴枝早破瓊珠圓乃知去冬吹暖律  
特爲醞釀梅花天人情頓已判向背吾意不欲區後先

樓邨詩集卷十二 畢蘇集

一

冷襟素抱在空谷瑤琚玉珮真神仙並持絕品壓凡卉  
曾城珠樹應差肩出既不辭入不語不須相妒常相憐  
我懷如何當此日遙天騁望橫雲煙東風吹夢一千里  
離巢羽翻思飛翔冬時幸得伴花坐春時怪我輕棄捐  
冬春來往復何定百觚且勿虛花前

小院梅花一株將開漫成三首

夙有梅花癖當春便賦詩須知相賞意最是欲開時紅  
淺纔舒萼香微乍吐絲商量原細細煙靄正迷離

別圃自千樹閒庭只一枝但能就地僻豈不貴知希野  
雀早教避游蜂非所期祇應逢鮑照心賞獨嗟咨

鮑照詩偏

爲梅  
咨嗟

輕風吹素影細雨發華滋未便愁飄落能無怨別離時  
將出柳絲縈客駐鶯語報春知催放紅香滿猶能倒一

卮

題喬無功身墮亂書圍小照

喬穎齋中書滿幄題其顏曰不如學

無功藏書處自題曰不如學齋副

墨之子洛誦孫四部縑細色斑駁如今名士何紛紛  
足奔馳溷塵濁拾得古人咳唾餘狼藉人前君將殼  
顛也擁書堅閉門剔抉爬羅殊卓卓雲霞滿戶花翻堦  
細香芸浮屋角此中千載定相關何但名塲競騰連君  
復自矜解禪悟手把楞嚴談大覺果然覓得象罔珠與  
爾束書游曠邈

樓邱詩集卷十二 羅敏集

二

題喬介夫自苦牛屋織雞栖圖

層山翠且蒼蔓艸萋以綠東村牛鳴阜西舍雞登木借  
問此何時秋風繞茅屋君非此中人胡為寫此幅越石  
自激昂仲卿已局促世路夫如何浩然展幽獨志士發  
遙嘍達人慕高躅中情自有取安用語流俗野水平  
川浮煙過寒麓且隨牧犢歸牆角聽伊喔

擬別梅花三首

最多惆悵是花時隔歲探尋記詠詩真喜重來春有信  
纔經相見客何之風車雨馬歸應晚露萼煙莖夢與期  
百徧巡檐曾索笑江南江北漫支離

林間枝畔夙因緣是處回頭一惘然湖上煙絲迎畫舸



漢南香片撲朱筵向年客游西湖及齊安皆值梅花開時他鄉殢酒都無  
年 賴此地判花倍可憐笑比隋家舊詩句但存顏色過今

頻年踪跡任飄萍何計粗教慰此生矮屋三間容膝好  
寒梅一樹照人清未酬微志花饒笑暫對流光眼自明  
酒底歌邊盟約在離亭風雨客心驚

束裝未果復得與梅花共晨夕放歌四首

準擬晨風送遠人花前顧慕恰芳辰已開猶斂能邀客  
欲去還留未負春搜索詩腸芟麗句安排酒錢名比鄰  
從今得傍香林住日日狂奴醉態新

竿木逢場歲月徂春風何處著狂夫定知此客舌猶在

樓部詩集卷二 罌齋集

三

却笑隨身錐也無佳日且憐花下侶先生原是酒之徒  
幙天席地容疎放管領流光興未孤

且憑迭邊浣塵情別向春工署職名天上司花原小吏  
人間槓鼓是狂生醉斜錦帳雲千葉夢醒紅茵鳥一聲  
碎嚼寒香剛滿把便隨鐵脚到蓬瀛

平生多有梅花句暈碧裁紅仔細看洗眼更思標格貴  
拈枝翻覺品題難故應凡卉羞為匹信有明霞高可餐  
癡坐空堦更無語澹煙斜日碧闌干

庭梅初開值雪二首

正月春未破餘寒釀恒陰庭梅初作花重雲天沉沉昨  
暮霰微集曉起已雪深尋花寂無言冷然披素襟本自

水玉姿清光同一林行當覲春華不忘歲寒心

霏霏疊橫枝皚皚歷紅萼檐際微風來無聲自飄落洗

沐出孤標毋乃太潔白叶翩彼鶯燕羣畏寒不敢託曾

聞古神仙玉英和雪嚼攀條我獨來高嘯對寥廓

雪晴後梅花盡放無功見招因風狂飲瓶梅下

漫成一首

霽色釋殘凍墻東見微陽柳梢一以綠梅花何昌昌春

寒久束縛今纔發其英物理忌驟竭天意留餘芳主人

敬愛客折花幃一房低昂各盡態撲衣無停香不肯舍

此去硯北徐舉觴東臯一萬樹疊錦如堵墻毋乃半狼

藉飄風太披猖相思隔煙水日暮天茫茫感時且閉門

樓郵詩集卷十二

單蘇集

四

聊可與徜徉

雙烈祠

後漢書臧洪陳容廣陵射陽人射陽吾邑之

東邨也祠建於前代新城王公爲郡司李時

曾經修葺歲久圯廢張明府鳩工重修益擴

其址今春落成同用新城公原韻遂成二章

竿摩價赤運義旗指東京列幕如雁行用曹公語吁嗟終寢

兵空留升壇語熱血飛縱橫青部雖樹績雍丘旋見傾

丈夫感知已大義况同盟嬰城偏窮感志不苟媮生一

日得死所烈烈偕郡丞茲威望非冀安能挫堅貞至今

誦遺文聲淚一時并隕首踐昔諾豈曰冒天刑用太白語兩

公龍虎步視素猶馳颺耿留響像衣冠照兩楹夜半  
鬼神入劔戟恍涕羹哭秦萬古哀何必論存荆固哉范  
蔚宗無傷烈士名

雙騎箕尾去晶芒麗瑤京浩然不磨滅痛憤鳴五兵當  
其莅東郡指撫意氣橫脫令都將相可扶大厦傾臣復  
事不就節烈心所盟彼哉佞矩人蜉蝣祇朝生射水流  
不息傳此守與丞後賢官吾鄉懷古欽忠貞葺宇踵前  
武結念相合并擴茲數弓地留為百世刑堦圯埽瓦礫  
墻壁驅颺鼯杲杲日當戶謾謾風滿楹貯蟹燭鶯蕭鬱  
鬯芬菘羹干城在名教無俾委榛荆詎但修廢墜庶共  
不朽名

城南曲

樓邨詩集卷十三

聖蘇集

五

霏微春晚城南路綠徧垂垂大隄樹一灣流水碧千年  
依稀李白聞鶯處李太白有白田馬上聞鶯詩白田在吾邑城南今日鶯聲不  
可聞野田蒿雀飛羣羣清狂裘馬更何人斗酒還思趁  
夕曛向晚人家爨煙白不似并州作寒食也教潑火雨  
霏霏况是吹花風絡繹平原芳艸明殘霞美人遙駐七  
香車三月垂楊欲作花斑驪迢遞天之涯

丁香曲

天風委委吹餘霞散來香國紛華葩碧闌干前叫百舌  
千枝萬枝細縮結結得同心豆蔻梢行雲颺颺春煙高  
青陽欲莫憐顏色語燕嚙鶯鎮相憶好傍斜陽仔細看

瓊瑤誰與報琅玕信是清狂陶處士都忘春色在長安  
雲湖先生陶成嘉靖時孝廉以看丁香花不與會試

### 梨花歌和紫淵

愛花必愛香定知愛多誤平生愛梅花詎但以香故  
來詩有云梅花不凋  
有香梅花應避汝一枝瑤英何處來清曉容光浣風露  
雙成自不借鉛華荀令熏爐無著處若教乘月向羅浮  
壁人相倚無相妒眼底繁香萬樹紅錦鞵綺陌蹋春風  
迷濛一院梨花雨蝶使不來花無語

### 海棠絕句

嫩綠輕容柏袂新燕支微點女兒脣如何飯顆山頭客  
只向長安比麗人

禮部詩集卷十一 畢蘇集

六

### 菜花絕句

繁花爛占野畦香掠影低翻蝶翅黃寒食歸寧誰氏女  
也隨文杏上釵梁

### 盆中海棠歌

融冶春光何處所日上鬢鬢照檐宇有美亭亭麗以娟  
卷紗翠袖宜輕舉  
東坡海棠詩有翠袖卷紗之語朝來一殘凍頗黎素  
靨暈紅嬌不語丁簾半捲珊瑚鉤煙裊膏爐添小炷渠  
儂不是倚門人欲前且却奈何許莫教蜜塞惹芳塵暗  
結纏綿千萬縷墻外天桃如送迎倡條冶葉春無主可  
憐努力鬪穠華顛風狼藉二更雨

### 喜雨竹枝詞二首

一月不雨麥將枯田夫隴上行且吁乍聞兒童齊拍手  
屋角一聲青鵝鴣

前溪後浦水光白連塍青青長一尺桔槔不動牛朝眠  
摩挲雙鎌辦割麥

前少司馬繩海張公字卷書後

明史有傳黃岡杜濬亦為作傳

天狗西流地維裂羽書瀝盡孤臣血榆林古戍夜呼庚  
攬轡籌邊走砲艤大槍尤來蜂蟻屯延水旌旗盪巢穴  
捷奏魚河讒口張灌木莊前埽車轍閒來翰墨時一親  
掩卷撫膺中惋結起家赴難少司徒跋扈將軍方齟舌  
見杜傳笕樞志已擲頭顱皇路崩淪驥終蹶烏號弓影去

茫茫江介回頭心斷絕天星亂落廣陵濤箕尾騎歸耿

樓邨詩集卷十一

畢蘇集

七

不減上源奉表彼何人大纛高牙舊同列神州陸沉靑  
有歸一死不欠臣職畢我披志傳緬平生此幅還堪觀  
遺烈許身豈有故巢心酒底花間祇幽咽二句用卷曾中詩語  
從燕市弔文山惶恐零丁歌未歇冰天自去傍龍顙留  
取墨光吐虹霓夜深展卷一燈青颯颯悲風動濼汰

三月之杪碧落軒牡丹盛開四月上旬始闌余  
以鄰並數飲花下爛縵迷離留髮徑醉猶記丁  
丑移植唱和斐然逮戊寅庚辰余皆有作今復  
搜括儉腹用廣韻鹽字得三十二句用識勝情

蕪記歲月云爾

來看百徧意未厭欲更著句口如箝春工貪豔殊不庶

枯腸陳語何堪拈雙株猶記離茆檐縹緲清夢來重簾  
岫嶁丹篆題青繡斬新樹鄂隨年添神仙富貴二者兼  
暮春料峭東風尖浮空雲葉飄靈竈主人惜花施愧懣  
四圍羃歷明綵縱霞裾瓊珮略不露都梁迷迭香冉冉  
晚來懸照朱火炎琉璃一桁欺銀蟾粉靨淡埽燕支奩  
綽約華桂揚蜚蠶高者拔起遙矚瞻下者伏藏潛窺覘  
駢頭連臂如飛鷁橫陳側立羣檐檐環肥燕瘦無猜嫌  
夜深欲睡安且恬我愛花苗一生黏祝希哲詩一生酒  
黏在落花苗  
國便為十日淹破除牢愁捐懣愆先生賦筆揮松槩觸  
我吟情笑掀顛醉倚箏琶疊洪纖更聽新聲阿鵲鹽

贈別龍篆姪之京即寄崑繩弟

樓邨詩集卷十一

墨錄集

八

瀟瀟雨濕淮南樹把袂懽逢黃叔度黃叔度時寓吾邑相對遙

思捫蝨入天風浩蕩燕山路人生合散踏泥鴻俚指流

光春已暮桃花落後辛夸開河壩一帆阿濟來七年不

見年逾冠雙眸炯炯何瑋瓌曩時體中苦羸弱今來峻

嶒喜頭角人間兒子多犬豚似爾何渠不父若阿父騫

騰三十年坐教蠓蟻遮雲煙會須射虎騁雙羈看君鞭

弭隨兩甄墨車纔傍雲亭側龍篆壻于揚可師始自江南受室即從江

南返趙北篋中聿牘燦于星箭筈摩抄貫鵬翼歸語顛

翁正相憶白日青楓照顏色小鳳翻飛奮長翮我輩老

蒼歌勅力方當聚首黃與楊可師在都門叔威亦將往腰間寶瓊文

輝光恨我不來相頡頏酒龍狂態近如何燕市輪囷舊

雨多一飲猶應千巨羅

贈別李崇思長歌

時與黃叔威同寓留雲堂

翩翩青鸞鳥乃是鳳之族毛羽一萬羣旁睨避高喙陰  
林吐霧山谿鈇夜飛蝙蝠迎昏鴉煌煌大星隱不見惟  
與中天孤月相蔽遮我思黃子亦已久何處楚歌攬宿  
莽李子襍被從南來蕙帶荷衣紛雜糅竹西歌吹古揚  
州煙海香塵爛不收却向汜光湖頭洗雙耳相與揮斥  
埃壒嘯傲凌滄洲春風動地起春花燦如綺蕭蕭留雲  
堂落落黃與李東來雲氣青噴屹細雨垂楊增暮寒圍  
碁劫罷金丸墜擊筑歌終玉漏殘執君手飲君酒河絡  
角星移斗鷹隼摩天自飄忽後猊踞地作鳴吼眼底風  
颺生兩肘會須押熊拉虎騁原藪焉能局促枯株守

樓市詩集卷十二

蘇蘇集

九

題喬嘉賓夏夜翫月圖

深林不知暑况及夜氣澄蟾光下松頂照人清于水紛  
彼觸熱客蠅蚋乃其朋手中一羽扇揮之良可勝四顧  
何寂寂陰翳遙鬢髻單袂披露影屣履踏石稜成嘯會  
有賦阮懷方思騰此時渾無睡微風吹古藤

歲寒堂與顧瑟如話舊賦長句為贈

我交顧子三十年中間消息常茫然今來歲寒堂中重  
握手使我感舊心流連昔者吾師般陽公高懸玉衡鏗  
鐘鏞同時喬公騁文苑景萃羣賢相于喁雲堂未老水  
壑健洧盤淑離與余兄弟時過從爾時君如摩天鵲入

座逼人何咄咄撐腸書卷富包羅下筆山川排突兀  
我劍棧上青天洞口桃花霞一抹其餘大幅及小景營  
丘河陽合而一玉雞堂前屏障開賓從聯吟浩煙月復  
有吾家景州與歙州詩場酒國呼朋儔坐無虎頭意不  
愜往往把臂傾倒轟醉白田秋自後感時多恨別前輩  
風流頓衰歇故園屐印在蒼苔花鳥驚心刺悲咽南皮  
客散存者幾惟有歙州淑離及君與余四人耳四人踪  
跡復蓬飄薊北淮南緬遙企此日對君酒一卮細雨檐  
花春如綺兩家兒子各長成羽毛努力風雲裏相看鬚  
鬢半爲霜何事牽愁未休止君猶能畫余耽吟當年意  
氣還堪擬龍竿寺下煙景新博支湖頭波鄰鄰但得秋

來取禾三百困黃雞綠酒能遲君歲歲扁舟來故人

秦郵王維疑哭其亡女三十六首徵詩於余為

題四絕句

小鳳威儀迓曉暉和鳴節足是耶非人間不少鷓鴣翼  
却向雲霄隻影飛

瀉酒龍頭辜負春曉簾串斷已栖霞散關不返鴛鴦夢

怨殺河陽署裏人

借李義山悼亡詩句反用之  
河陽署裏人謂王茂元也

北船一別不成迴剩得悽風杜宇哀爭似香山談氏女  
玉童携自太原來

堂前阿母禮金仙證徹空華莫惘然為語繡經老摩詰

如今月上已生天

摩詰有女  
名月上



閩風篇

閩風在天際白雲何英英其上有神人乘鸞游太清餐  
霞飲沆瀣佩玉鏘瑤珎紫皇錫百祿星宿羅元精端居  
運橐籥疵癘物不生嘑吹煦動植掌握調璣衡遐情託  
歌嘯雲璈叶瑤笙一時羣散仙頰首領鏗鉤下界奏瓦  
缶細如蒼蠅聲乃知天上曲濁俗不敢爭舉手招我語  
引掖開聲盲嗟我無仙骨何由淨聰明授我一卷書籤  
軸裝璜瑛捧讀再三竟沛若天瓢傾洗滌舊塵垢游泳  
于澄泓夢寐啓靈笈遐哉望層城蓬萊隔縹緲蘭漿思  
揚旂欲至風吹之海水移我情大道重根柢氣倏視虛  
盈凡夫誤服食膚末空拘儻芝田旣荒蕪轂輓飢腸鳴

樓都詩集卷十二

單蘇集

十一

金液莫一匕羸怯躋佺彭願言隨飛鳧籥雲遶上征琅  
霄牽羽衣琳簡厠微名蹶然顧之笑所愧非方平

武林友人以龍井茶見餉因和中丞宋公龍井

茶原韻

昔從西湖尋龍井早春花雨飄層巖茶槍初萌未堪剪  
攀條一喫心已忤其時匆匆返煙棹好景芳味安能兼  
故人知我有癖嗜箸籠遠寄來茅檐細茸如絲綠如洗  
香氣已溢新標籤衙官顧渚奴日鑄得不捧玩積且緘  
手掬天泉伺火候白煙一縷縈黃簾復疑坐我薩埵側  
龍井有清風習習吹浮嵐塵埃微縷如痼疾一酌便可  
薩埵石當神砭三賢祠下舊蹤跡撥雲泛雪經幽探

坡公龍井詩有撥雲

泛雪東海屠生殊解事未許中郎貽謗讒上清沆瀣工

品題

秦宏道謂龍井茶有草氣屠隆龍井茶歌云味同沈壺上清家

休論菡萏與橘鹽

江南春半有新句

中丞公原唱首句云江南春半茶事動

捧甌再讀掀吾

顛重澆舌本繼酬和清宵破睡思高談

### 雨中舟行即目

我來大江南時卦占在垢正逢迎時雨野田插秧候細  
茸出絲縷軟弱宛雛毳霖霖甫飄絲滂沱乍奔溜隴岸  
浮且沈灌潦一何驟脫復雨不止農事恐顛仆遙遙視  
蒼山一一入霧雩老樹揉飄風撐披若苦鬪寂聽烏雀  
喧橫疑蛟龍吼義御杳何之晷刻失旦晝所思渺天末  
急棹思往就榜人咽不歌往往成宿留平生行路難雨  
雲多翻覆任運吾道存躁進亦已陋未須嗟途窮何從  
塞天漏且展古人詩逸響時一叩下春天邊青稍喜破  
昏瞶推篷聊放歌平陂有往復

### 夏日過吳門謁宋大中丞即游滄浪亭奉和

吳天曉霽登公堂當暑頓若披清涼甫奉坐隅接談笑  
便問曾否游滄浪滄浪之亭在何許戟門東去半里強  
到來愴怳人境別但覺烟靄圍青蒼生客乍能辨徑路  
髣髴圖畫徐迴翔滄浪小志有圖一幅一開祠屋拜木主使我感  
憶心徬徨官銜日監進奏院當年以此罹謗傷絕塵逸  
足不一試中道驟蹶寧所當抗疏萬言至今在規切時  
政何琅琅廟堂已久束高閣先生亦竟終頽唐酷嫌持

國不解事掉頭獨來天一方四萬錢買好風月心隨魚

鳥離豺狼子美滄浪亭詩迹與豺狼遠心隨魚鳥歐公梅公迭酬唱春風

醉倒聊常羊惜哉酒徒詩社地汙以章惇富貴場浮雲

既逝復何歸冷風亭畔韓蘄王時移物換漸磨滅古寺

晚鐘沉殘陽修復端賴我公力盡刷蕪穢回幽光曲谿

長隈間檐宇一一題署交低昂高亭撐拄削大石老樹

髣髴環其旁却下坡陀臨浦漱小軒風過紅蕖香西行

觀魚轉步碕亞枝欒葉垂脩廊石上何年留方罍鷺鷥

不見波茫茫毛珣滄浪亭詩鷺鷥飛上石棊盤足音跫然入精舍新詩

照耀白堊墻我來盤桓不能去那復別覓雲水鄉平生

訪古有微尚每披小志空騁望安得襍被住茲地探尋

樓郟詩集卷十一 畢蘇集

十三

日日追遺狂水光喬淪草木茂蘇子精靈如或藏塞天

奇氣久鬱悒伸於後世神應揚公今建豎豈蘇比千載

響奮以文章歐公愛才今復見萬竅一噫誠不忘歐公詩子

美氣尤雄萬竅號一噫我才子美無能役但隨六一擔詩囊

### 滄浪八咏

#### 滄浪亭

喚起滄浪夢重來上古亭依然臨水碧特地倚天青老

樹密垂幕層嵐遙列屏風流有酬和莫更恨凋零子美滄浪

亭詩有詩社凋零之語

#### 自勝軒

擇地宜冲曠小軒宵窳中一灣依淺沼三面引清風笑

閑猶多事形骸本自空  
臞肥期戰勝此意古人同  
冲曠  
笑閑

觀魚處

行到觀魚處澄澄洗我心  
浮沉無定影灑灑有微音  
風起藕花亂月明溪水深  
濠梁何必遠此樂一爲尋

步碕

騎入定不可措筇徐步宜  
子美滄浪詩不可騎入步是宜  
故應幽處好未許外間知  
宛委蘚花路橫斜梅樹枝  
迴廊方寂寂啼鳥夕陽時

石枰精舍

石上一枰冷依稀似昔年  
未須論黑白且與賦方圓  
藥

樓郵詩集卷十一

畢蘇集

十四

院滋新雨花欄罨晚煙就中多古意  
一一見詩篇兩壁皆中

丞公詩

子美祠

范杜慚功業歐梅暢嘯歌  
冤舍終古在名起後賢多  
俎豆竹梧徑文章雲水窩  
闌幽同不朽碑版照山阿

小橋流水

望去林巒秀遙知有路通  
池香牽弱帶橋影卧斜虹  
旁舍煙蘿底層樓霧樹中  
因思問紅翠黯淡接玲瓏  
子美滄浪

詩有紅點淡翠玲瓏之語

鄰寺鐘樓

未到南禪寺鐘聲過野塘  
古來幾興廢今日但蒼茫

有韓家號詩從白氏藏悠然託懷抱千載在滄浪

題馮勉曾葑水園

不從城市覓高居葑水東來步屨初登道入門苔滑  
蓮亭臺壓水樹扶疎標題一一名皆好煙影朝朝畫不  
如若許淮南客相對便依叢桂結吾廬

岸船葑水園  
中小閣

轉過廊腰俯一渠就中結構恰憑虛更無風浪牽船住  
定為花香傍岸居清到元章裝卷軸狂來魯望侶樵漁  
我行正指江天路欲借帆檣縱所如

偕喬無功訪馮文子於葑水園留酌移日翌日  
無功邀同文子飲虎丘即事為詩兼以志別

執手一大笑頭顱故依然君名挂仕版而猶嗟迤邐矧  
余困一經何以慰華顛回頭客京洛意氣莽後先酒陣  
驟飛駁逐君摧兩甄判袂幾何時春華欲就葑葑水好  
園林幽居俯清漣別久乍轟飲嗤我不如前穎君被逼  
迫爛醉水次眠詰朝來虎阜曉風烏榜船訪穎留命酌  
意將甘心焉君乃苦逃避斜照已樹巔念我便當別良  
會期多愆此日一酬酢歲月忽復遷捎帆指建業西望  
江浮天飛鴻下沼沚去來渺雲煙秋風君北向相待東  
籬邊

五人墓二絕句

日星正氣匹夫伸媿死衣冠拜跪人肖像生祠俱已矣

五人之墓高嶙峋

古木蒼煙照水澹猶應叱咤見精神游人只問貞娘墓  
誰把椒漿酌五人

千人石之東大樹三株徘徊其下感憶菑川孫

公丁巳八月憲司檄下伐木為戰船之需公力言于撫軍虎丘諸樹得免此三株尤公所愛

今有一株將枯

可中亭畔鬱蔥蘿月到風來影颺空留與游人作清蔭  
至今誰解憶孫公

兩株榮茂一將殘向我低徊歲月諳莫訝攀條欲流涕  
樹猶如此人何堪

重到虎丘訪喬無功于短簿祠留飲竟夕

樓部詩集卷十一 畢蘇集

十六

二十餘年憶虎丘山根倚棹為夸猶樹籠石氣已多古  
池冷劍光終不流對客樓臺紅燭夜回頭風月紫簫秋

携來吳郡新詩本更與香山一唱酬余丁巳歲寓虎丘值中秋有和香山

詩是夕與無功各有作

舊游重歷亦匆忙踏閣攀林到夕陽曲磴還來尋短簿  
荒雲無復弔貞娘羣山不改青圍塔萬木方齊綠繞塘  
為爾勾留成永夕風光此別倍難忘

丁巳歲余偕仲兄素公謁菑川孫公于虎丘梅

花樓時汲公兄亦至對酒徵歌留連十日今已

俱逝重來愴然聊為短述

憶偕仲氏謁師門往蹟纏悲不可論石畔青蒼依舊好

諸樹皆孫公遺澤樓頭梧杓幾人存廿年合散吳歌咽一燈江

山暮雨昏蕭滅臨風歌楚些巫陽何地爲招魂

別蘇州回望諸山自嘲

鄧尉支硎都未往洞庭飛夢只蒼茫此行眞被山靈笑  
笑道渠儂有底忙

劇有詩情對山色山靈應欲試詩才謝安也要登臨費  
待我賣將書籍來

贈曰稽上人

虎丘詩僧梵行清高

無本爲僧始覓句東坡拈句多參禪但無滓穢著靈府  
脫手便捫青霞天我見詩僧亦已多手持大帙口懸河  
徧蹋朱門拾咳唾不知於意將云何高天片月臨孤嶼  
噴雲欲霧千章樹中有異人披僧衣往往憑虛出秀句  
山居十首字字工前身直是渭南翁心如止水寂自照  
揮席人世凌飄風我行塵中長歎息喜向荒菴得相識  
清談一夕去匆匆別後空巖寄遙憶

舟中望南岸諸山

大江盤折下滔滔排擁江干萬笏高似淡還濃全染黛  
纔平乍起亦奔濤分來鍾阜兒孫衆截向滄溟鎖鑰牢  
終古南條稱險阨幾朝興廢首重搔

黃天蕩弔黃將軍

天風浩蕩激濤聲疑聽樓船鼓角鳴百戰孤軍寧惜死  
兩朝故老尚知名殿中馬阮鴟梟踞閫外高劉蛇豕爭

破盡山河身亦滅，將軍精爽在瑤京。

呈大司空熊公三首

曾依涇水謁高居，建業今看更葺廬。日色當軒新藻履，聲出戶舊尚書。仰酬君賜身名泰，閒養天和歲月舒。八十潞公猶入相，先生未老莫懸車。

風波世路豈堪聞，菴葦靡離本自分。且以歌吟銷暇日，直將謠詠比浮雲。支頤泉石原無悶，繞膝璠璣總不羣。幾度薰風到檐宇，紫葦花朵正繽紛。

庭前蘭花正開

河梁猶記送行旌，此日華筵醉醖醺。喜對丰標頭尚黑，親承慰藉眼常青。水環桃葉披涼袂，雲起鍾陵入畫屏。慚媿淮南舊賓客，小山蹤跡似流萍。

閏六月七日

樓邪詩集卷十二

畢辭集

六

炎威無奈日方中，喜見濃陰乍滿空。近郭迷茫鍾阜雨，入林噴薄石城風。頓收書卷教移席，且傍庭階看洗桐。向晚涼生窗戶靜，短檠清話與誰同。

題所居檐前兩竹子絕句

捎碧高檐只兩枝，此君原合對徽之一聲。浙瀝回清夢，早是金風玉露時。

偶成

冉冉年華邁蕭蕭，七月中客心驚野草病。骨喜秋風巖桂香，分簇庭梧子作叢。可知鴻雁信相待，在江東。

重登燕子磯



振衣重向磯頭立山霧江煙曉未收初日帆檣揚子渡  
西風草樹秣陵秋頻來杖屨非生客迴望關河豈壯遊  
此去勞勞復何定羨他江岸幾沙鷗

題雒臯許先生娛晚堂二首

自愛高居豈畏人閒情結構小堂新安排峰色迎初日  
裁翦花枝待好春不乞丹砂原上壽但邀黃綺是良辰  
就中樂事芳園足城市由來洽隱淪

舊是淮南廁小山暫停遊屐愛蕭閒更求勝地知難並  
欲結吾廬傍此間領略清言傾綠酒指摩塵眼對蒼顏  
可知別後京華客朗月清風夢往還

題張茗柯小照

樓村詩集卷十一

畢蘇集

十九

披圖意已遠殆是餐霞人舉世走蠅螳詎足攫其真往  
者氣磊砢揮手捫星辰龍鬣挾風雨鱗鬣竟未伸老來  
渺衆慮默坐觀大鈞偶然弄筆墨雲月間披陳香山結  
高會逍遙撰芳晨茂林自清迥小山自嶙峋此中何所  
有肺肝天下春

康節先生云收天  
下春歸之肝肺

我生方行役對之飲

以醇佳日接清話和氣吹幅巾君家文成侯辟穀徒苦  
辛豈如圖中者心與太虛鄰雙屨何閒閒團蒲相與親  
憑將一塵尾為我埽頭塵

弔駱賓王遺墓次邵吾廬韻

墓在通州黃泥橋  
邵首倡四絕句為

之微  
詩

金輪燭處上聲亂如煙仗義捐生自挺然海曲竄來成底

事一槭白骨冷崇川

萬古江河蓋代詩

用少陵語

須知對屬是宗師

用義山語

可憐未

派香奩體只逐時新婦十眉

佳句考功記石橋老僧興寄自逍遙若教魂返黃泥路  
海日江潮尚可招

發冢憑將稗史書衣冠可以巨唐初故應剩水殘山恨

不向烏傷戀舊廬

賓王義烏人其地亦有墓

### 再疊前韻

千年隧道卧荒煙身沒名高豈不然却怪唐書輕節義  
只于文苑配盈川

豈但長安古意詩風雲叱咤亦雄師中興不屬徐公子

樓部詩集卷十一

畢獻集

十一

飛騎何能斬画眉

蕭瑟遺蹤傍野橋盛名回首歲華遙長天秋水茫茫夜

江海精靈共一招

驚殺妖狐盾鼻書五王遙接義旗初唐家興廢如翻掌

剩得殘碑認故墟

### 三疊前韻

功成便可畫凌煙天醉誰知事不然却勝鸞臺奉新主

觸他鉗網血成川

秋宵響答宋家詩一盞明燈百衲師風景只餘靈隱寺

橫峰螺黛鎖修眉

逝水淒涼繞斷橋臨風憑弔海天遙也應故國悲湘纍

未有椒漿續大招

蒐遺徵句藉飛書重見青山埋骨初更與松門樹貞石

領珠從此護幽墟

墓經  
盜掘

留別許董傳

舊雨低徊共撫膺頻年鴻爪漫飛騰乍逢又是人將別  
深坐其如酒不勝一諾聲名高季布片帆冰雪送張憑  
春來更訂招邀地直北雲山路幾層

留別許敘百

幾載江城憶故人天涯昆弟倍相親桐花得句原無敵  
蕉葉擎杯却有神客夢正飛滄海月寒條已動畫欄春  
深情千尺澄潭水况是河梁錄別新

留別沈西山

把臂經旬笑語溫相依無奈客愁繁蒲帆野岸思千里  
檝燭清宵倒一樽踏雪他時過剡曲買絲今日繡平原  
寸心不盡瞻前路渺渺離亭落照痕

舟行

行舟遇逆風壁言若彎強弓人力縱已殫不敵風力雄一  
日行無幾二日徒匆匆今晨三十里仰視日已中引領  
望家園川路何時窮同行意頗急恨不羽翼豐語君且  
安坐有塞必有通但取不顛覆徐行寧罕功努力加晚  
餐推蓬眺高空

老將行

老將橫戈出臨洮銀鬚飄映紫綺袍塞上大旗赤如血  
刁斗不鳴秋月高夜半前營報警急帳前歌舞風颼颼  
同時少將急邀利卷甲奔趨鳴弓刀一戰再戰鼓聲竭  
白波大帥意氣驕老謀沉勇不輕發指揮偏伍彌縫牢  
賊勢出沒在掌中奇兵一合擒其豪歸來奏功未央殿  
天子賜酒酬勲勞莫笑將軍止善飯伏波營平貞吾曾  
東隅已過收桑榆凌煙傑閣方峇堯

大雪抵建業二首

迴繞此地記高秋入臘重爲汗漫遊千嶂凍雲迷去鳥  
一江急雪舞扁舟柳絲野岸青猶澀花片橫塘白已稠  
北道班駟臨欲發清水幾尺照吳鉤

樓卽詩集卷十一

吳蘇集

三

雲陰漠漠雪初收襍被衝寒正未休爲客幾番歌進艇  
懷鄉莫漫賦登樓荒風冷月驚殘夢紅燭青尊感昔游  
湖海但看豪氣在鴻泥豈爲稻梁謀

雪後龍盤山下曉行

犯曉行輿日漸升龍盤山下雪光凝千峰削玉纔分頂  
萬頃糜瓊不辨稜高堞烏鴉排點點平林紅寺出層層  
此行風景真奇絕煖閣圍爐見未曾

北上值大雪示同行諸君子

東風一何猛卷雪如飛沙萬樹乍昏零撐攪披槎枒雪  
飛不貼地撲面皆橫斜行輿頗敞漏罅隙莫可遮隱曲  
輒堆疊時時費搜爬少頃雪微止風勢寒轉加雙脚冷

于鐵飢腸鳴綠車頗憶去年春冒雪尋梅花哦詩啜清茗閒庭寂無譁一從博微名行役常天涯臘尾抵建業急雪迷江槎此行復見雪北路方遙賒蕭蕭車前鐸劬當送年華吾道在艱苦平生慣馬撾却愛景殊絕白戰句亦誇寄言同行者勿用起歎嗟

即目

萌茨布地雪初殘猶自尖風打面寒野岸有聲千樹偃高雲不動一鵬盤道旁煙景依牛屋客裏年華付馬鞍直北關山方計日長安春色好同看

雪後早發

料峭東風作意狂雪花飄拂客途長一天凍結層雲白

樓東詩集卷上

畢蘇集

三

萬嶺昏圍宿霧黃侵曉已教疲道路衝寒爭遣濕衣裳關河一倍銷魂地况是斑駁送陸郎

時同行有跨驢者

費縣顏公祠

邑今朱守亭屬題

范陽賊兵天下雄挫其鋒者兩顏公常山平原如指臂義旗遮蔽山以東西連張許勢犄角牽掣賊肘搃賊胸藉非哥舒一戰誤豈有火及咸陽宮中原瓦裂縱無補緩賊西上已奇功常山殉國自犁舌魯公爵秩方尊崇詎意白頭值藍面賊庭灑血留孤忠兩公並是殺身成仁者傳聞尸解亦幻空我來此地拜祠宇入門英烈橫高穹列星喬嶽照祊水千秋俎豆兄弟同威儀猶見唐冠珮幽沉椽桷迴悲風賢令好古徵詩句吮毫悵望思

遺蹤豐碑大書秦與米要與睢陽廟祀俱無窮

祠內有秦少游碑記

醉別朱守亭明府

夜影沉沉漏聲送纖雲四卷星芒動此時不飲當奈何  
主人意氣如山重別來鬢髮各老蒼愛君治績稱循良  
丈夫會應得知已不須便覓雲水鄉我向京華年已晚  
勉隨年少驅車遠文章那解奏天人興會猶能駕劉阮  
一夕論心面目真燒盡三條樺燭新客醉欲起主堅坐  
縱橫拇陣寧辭頻此別相期還努力待爾朝天騰冀北  
春風吹夢繞關山馬嘶一聲東方白

宿河間

樓邨詩集卷十二

畢蘇集

三

塵沙野店拂征裘此夕軺車此地留春色燈光新令節  
荒風殘雪古瀛洲故鄉絃管人千里北道關山月一樓  
且與諸君醉村酒夜深高嘯對吳鉤

樓邨詩集卷十二



